

杜氏通典卷第一百十八終

杜氏通典卷第一百十九

禮七十九 吉十一 纂類十四 大唐開元禮十四

皇帝封祀太山 禪社首 山附

齋戒 制度 陳設

省牲器 齋駕上山 薦玉幣

山下封祀壇 進熟 燔燎 封玉冊

齋駕還宮 朝覲群臣 考制度

齋駕進發 禪社無 此篇

皇帝將有事於太山有司卜日如別儀告昊天上帝

太廟太社皆如巡狩之禮 告太廟高祖祝文加封祀 配神作主之意告睿宗祝

神 加禪祭配 作主之意 皇帝出宮備大駕鹵簿較於國門祭所

過山川古先帝王各臣烈士皆如巡狩之禮通事舍人承制問百年所經州縣刺史縣令先待于境至太山下柴告昊天上帝于圓丘壇如巡狩告至之禮有司攝前祀所司以太牢祭于太山神廟如常式

齋戒

前七日太尉戒誓百官封云封于太山禪云禪于社首山齋儀同封祀皇帝散齋於行宮後殿四日致齋於前殿三日服袞冕結珮等並如圓丘儀百官如別儀

制度

將作大匠先領徒於太山上立圓臺廣五丈高九尺土色各依其方又於圓臺上起方壇廣一丈二尺高

九尺其臺壇四面各為一陛玉板長一尺三寸廣五寸

厚五寸刻牒為字以金填之用金匱盛其玉牒文中書門下進取進止

所由承旨請內鑄其各檢等並如後制郊社令積柴為燎壇於山上圓臺

之東南量地之宜柴高一丈二尺方一丈開上南出戶

方六尺又為圓壇於山下三成十二陛如圓丘之制隨

地之宜壇上飾以玄四面依方色壇外為三壝郊社令

又積柴於壇南燎如山上之儀又為玉冊皆以金繩連

編玉牒為之每牒長一尺二寸廣一寸二分厚三分刻

玉填金為字少府監量丈多少為之又為玉壝一長一尺三寸并

檢方五寸當纏繩處刻為五道當封實處刻深二分方

取容受命寶印以藏正座玉冊制度如玉匱又為黃金

繩以纏玉匱金匱又為石礮以藏五匱用方石再累各
 方五尺厚一尺縱鑿石中廣深令容玉匱礮旁施檢處
 皆刻深三寸三分濶一尺南北各二東西各三去隅皆
 七寸纏繩處皆刻深三分濶一寸五分為石檢十板檢
 石礮皆長三尺闊一尺厚七寸皆刻為三道廣一寸五
 分深四寸當封處大小取容寶印深二寸七分皆有小
 石蓋制與封刻處相應以檢搯封印其檢立於礮旁當
 刻處又為金繩三以纏石礮各五周徑三分為石泥以
 封石礮以石末和方色土為其封玉匱金匱石礮為距
 石十二枚皆闊二尺厚一尺長一丈斜刻其首令與礮
 隅相應分距礮四隅皆再累為五色土圓封石礮上徑

一丈二尺下徑三丈九尺

禪禮制度將祭將作先於社首山禪所為禪祭壇如

方丘之制八角三成每等高四尺上濶十六步設八
 陛上等陛廣八尺中等陛廣一丈下等陛廣一丈二
 尺為三重壝量地之宜四面開門玉冊石礮玉
 匱金匱金泥檢距圓封立碑等並如封祀之儀

陳設

前祀三日衛尉設文武侍臣次於山下封祀壇外壝
 東門之內道北皆文官在左武官在右俱南向設諸
 祭官次於東壝之外道南北向西上三師南壝之外
 道東諸王於三師之南俱西向北上文官從一品以
 下九品以上於祀官之東皇親諸親五等以上諸親
 三等以上於文官之東東方諸州刺史縣令又於文
 官之東俱北向西上介公鄒公於南壝之外道西東

製 複 許 不

NOT TO BE REPRODUCED

東京大学東洋文化研究所

向諸州使人於介公鄩公之西東向諸方之客東方
 南方於諸王東南南向西方北方於介公鄩公西南
 東向皆以北為上武官三品以下九品以上於西壇
 之外道南北向東上設陳饌幔各於內壇東門西門
 之外道北南向北門之外道東西向壇上及東方之
 南方及西方之饌陳於西門
 外北方之饌陳於北門外前祀二日太樂令設宮
 懸之樂於山下封祀壇之南內壇之外如圓丘儀右
 校掃除壇之内外禪儀祭前三日尚舍壇長施太次
 於外壇東門內道北尚舍鋪御座
 守宮設文武官次於大次前東西相向諸祭官於東
 壇外文官九品以上於祭官東皇親諸親又於其東
 蕃客又於其東介公鄩公於西壇外道南武官九品
 於介公鄩公西蕃客又於其西褒聖侯於三品文官
 下有諸州使分於文武官後設陳饌幔於內壇東西
 門外道北南向其壇上及東方饌陳於東門外南方

西方北方饌陳於西門外其陳樂懸則前祀一日奉
 樹靈鼓右校掃除又為瘞培於壇壬地前祀一日奉

禮郎設祀官公卿位於山下封祀壇內壇東門之外
 道南分獻之官於公卿之南執事者位於其後每等
 異位重行西向北上設御史位於壇上一位於東陛
 之南西向一位於西陛之南東向設奉禮位於樂懸
 東北贊者二人在南差退俱西向設協律郎位於壇
 上南陛之西東向設太樂令位於北懸之間當壇北
 向設從祀之官位三師位於懸南道東諸王位於三
 師之東俱北面西上介公鄩公位於道西北面東上
 文官從一品以下九品以上於執事之南東方諸州
 刺史縣令又於文官之南每等異位重行西向俱以

北為上武官三品以下九品以上位於西方值文官
 皇親五等以上諸親三等以下於文官之南每等異
 位重行東向諸州使人位於內壝南門之外道西重
 行東面皆以北為上設諸國客使位於內壝東門之
 外東方於諸王東南每國異位重行北向以西為上
 西方北方於介公鄒公西南每國異位重行北面以
 東為上其褒聖侯文官三品以下諸州使人各於文
 武官後禪儀奉禮設御位於壇東南設祭於內壝東
 門外道南分獻官於祭官南執事者位於後
 設御史位二於壇東南西向令史陪後設奉禮位於
 懸東北贊者二人在南差退協律即於壇上太樂令
 於北懸間並如常設望瑤位於壇東北從祭官於執
 事南皇親又於南諸州刺史縣令又於南蕃客又於
 南介公鄒公於內壝西門外道南武官於後蕃客於
 武官南設門外位於東西壝門外道南皆如設次之

設牲勝於山下封祀壇之外當門西向蒼牲一居

前正又蒼牲一配青牲一在北少退南上次赤牲一

次黃牲一次白牲一次玄牲一以上並又青牲一明

又牲一夜明也禪禮設牲勝於東壝外如式正座黃
 牲一居前配座黃牲一在北少退神州黜牲

一在南設廩犧令位牲於西南史陪其後俱北向設

太祝位於牲東各當牲後祝史陪其後俱西向設太

常卿省牲位於牲前近北又設御史位於太常卿之

西俱南向設昊天上帝酒罇於圓臺之上下太罇二

著罇二犧罇二山壘二在壇上於東南隅北向象

罇二壺罇二山壘四在壇下於南陛之東北面西上

設配帝著罇二犧罇二象罇二山壘二在壇上皆於



昊天上帝酒罇之東北向西上其山下封祀壇設五
 帝日月俱太罇二在神座之左其內官每陞間各象
 罇二在第二等中官每陞間各壺罇二在第三等外
 官每陞間各概罇二於內壝之內眾星每道間各散
 罇二於內壝之外凡罇各設於神座之左而右向五
 日月以上之罇置於北內官以下罇俱籍以帝皆加
 勺幕設爵於罇下禪儀設皇地祇太罇二著罇二犧
 樽二山壘二在壇上東南隅北向象樽二壺罇二山
 壘四在壇下南陞之東北向俱西上設配帝著罇二
 犧罇二象罇二山壘二在壇上正座罇東北向西上
 神州太罇二在第一等每方岳鎮海瀆俱山樽二山
 川林澤各蠶罇二丘陵以下各設壘洗各於壇南陞
 散罇二皆於壇下皆如勺幕設壘洗各於壇南陞
 東南亞獻之洗又於壇東南俱北向壘水在洗東篚
 在洗西南肆篚實以設分獻壘洗篚幕各於其方陞

道之左俱西向執罇壘篚幕者各於罇壘篚幕之後
 各設玉幣之篚於壇之上下罇坫之所祀日未明五
 刻太史令郊社令各服其服升設昊天上帝神座於
 山圓臺之上北方南向以三春茅為神籍設高祖神
 堯皇帝神座於東方西向席以莞神座皆於座首又
 太史令郊社令設五天帝日月神座於山下封祀壇
 之上青帝於東陞之北赤帝於南陞之東黃帝於南
 陞之西白帝於西陞之南黑帝於北陞之西大明於
 東陞之南夜明於西陞之北席皆以藁藉設五星十
 二辰河漢及內官之座於第二等十有二陞之間各
 依方面凡席皆內向其內官中有北斗北辰位南陞

之內差在行位前設二十八宿及中官之座於第三等亦如之布外官席位於內壇之內眾星席位於內壇之外各依方次席皆以莞設神位各於座首禪禮皇地祇神座於壇上北方南向席以藁秸睿宗太聖真皇帝座於東方西面籍以莞神州於第一等席以藁秸東南方岳鎮以下於內壇內各於其所司陳其方嵩岳以下於壇西南俱內向席皆以莞禪禮無異寶及嘉瑞等於樂懸之東西廂禪禮無

省牲器

省牲之日午後十刻去壇二百步所諸衛之屬禁斷行人哺後二刻郊社令丞帥府史三人及齋即以罇坵壘洗籠纂入設於位凡升壇者各由其陞贊引御史諸太祝七人與祝史行掃除於下其五星以下羊豕所司

各依令先備如常儀並如別儀禪禮無五星以下羊豕餘同

鑿駕上山禪無上儀

前祀三日本司宣攝內外各供其職衛尉設祀官從祀羣官五品以上便次於行宮朝堂如常儀前祀二日尚舍直長施大次於圓臺東門外道北又於山中道設止息大次俱南向尚舍奉御鋪御座衛尉設從駕文武群官及諸方使應從升者於圓臺南門之外文東武西並如常儀郊社令設御洗於圓臺南陛之東北向壘水在洗東籠在洗西南肆設中其日奉禮設御位於圓臺南當壇北何設群官五品以上版位於御位之南文武西重行北何相對為首設東方

諸州刺史縣令位於文官之東諸州使人位於武官
之後設國客位東方南方於文官東南每國異位北
面西上西方北方於武官西南每國異位北面東上
設御史位於圓臺東西如祀禮設奉禮贊者位於群
官東北西面設執事位於東門之內道南西面皆北
上前祀一日未明七刻槌一鼓為一嚴一嚴時節祀
前一日侍中
奏未明五刻槌二鼓為再嚴侍中版奏請中嚴從祀
官五品以上俱就次各服其服所司陳大駕鹵簿未
明二鼓槌三鼓為三嚴諸衛之屬各督其隊與鈇戟
以次陳於行宮門外謁者贊引引祀官通事舍人分
引從祀群官諸侍臣結佩俱詣行宮門外奉迎侍中
負寶

如乘黃令進輦於行宮門外南向侍中版奏請登山
皇帝服袞冕乘輦以出稱警蹕如常儀黃門侍郎進
當輦前跪奏稱黃門侍郎臣某言請鑾輿進發俛伏
興退復位鑾輿動又稱警蹕黃門侍郎侍中中書令
以下夾引以出千牛將軍夾輿而趨駕至侍臣上馬
所黃門侍郎奏請鑾輿權停勅侍臣上馬侍中前承
制退稱制曰可黃門侍郎退稱侍臣上馬贊者承傳
文武侍臣皆上馬諸侍衛之官各督其屬左右翊鑾
輿在黃麾內符寶郎奉六寶與殿中監後部從在黃
鉞內侍臣上馬畢黃門侍郎奏請鑾輿進發退復位
鑾駕動稱警蹕如常鼓吹不鳴不得諠譁從祀官在

玄武隊後如常若復先置則車輅鼓吹待於山下御
史大夫刺史縣令前道如式至中道止息大次前迴
輦南向侍中奏請降輦如常皇帝降輦之大次群官
皆隨便而舍停大次三刻頃侍中奏請皇帝出次升
輦進發如初駕至臺東門外大次前迴輦南向侍中
進當駕前跪奏稱侍中臣某言請降輅俛伏興皇帝
降輦之大次如常儀通事舍人承旨勅從祀群官退
就門外位禪儀鑿駕出行宮
如封太山之儀

薦玉幣

祀日未明三刻諸祀官各服其服郊社令帥其屬以
玉幣及玉冊置於山上圓臺壇上坵所禮神之玉
幣以蒼配



亦如之又以玉匱金匱金繩金泥盛於篚置於石碓

之側良醞令帥其屬各入實罇罍玉幣凡六罇之次
大罇為上實

以泛齊著罇次之實以醴齊犧罇次之實以盎齊象

罇次之實以醍齊壺罇次之實以沈齊山罍為下實

以三酒配帝著罇為上實以汎齊犧罇次之實以醴

齊象罇次之實以盎齊山罍為下實以清酒其玄酒

各實於五齊之上罇禮神之玉昊天上帝以蒼璧吳
天上帝及配帝之幣以蒼禪祭日未明三刻以下實

罇至饌幔內與太官令帥進饌者實諸籩豆簋簠各

設於饌幔內未明二刻奉禮帥贊者先入就位贊引

引御史以下入行掃除如常儀禪禮自未明二刻下
至掃除訖就位與夏

至方立同駕將至謁者贊引各引祭官通事舍人分
引從祭群官諸方客使俱就門外位自鑿輿至大次
以下至進熟未明一刻謁者贊引各引文武五品以
與方立同

上從祀之官皆就圓臺南立謁者引司空入行掃除

訖出復位侍中板奏外辦皇帝服大裘而冕出次華蓋侍衛如常儀侍中負寶博士引太常卿太常卿引

皇帝凡太常卿前導皆博士先引入自東門殿中監進大珪尚衣

奉御又以鎮珪授殿中監殿中監受進皇帝播大珪

執鎮珪繚籍莖蓋伏衛停於門外近侍者從入如常

謁者引禮部尚書太常少卿陪從如常大珪如播不便請先定近

侍承皇帝至版位北面立每立定太常卿與謁者贊

引各引祀官次入就位立定太常卿前奉請再拜退

復位皇帝再拜奉禮曰衆官再拜在位者皆再拜太

常卿前奏有司謹具請行事退復位正座配座太祀

取玉幣於篚各立於樽所太常卿引皇帝詣壇升自

南陛侍中中書令以下及左右侍衛量人從升以下皆如

之皇帝升壇北向立太祝加玉於幣以授侍中侍中

奉玉幣東向進皇帝播鎮珪受玉幣凡受物皆播鎮珪

俛伏登歌作肅和之樂以太呂之均太常卿引皇帝

進北面跪奠於昊天上帝神座禪則皇地祇神座俛伏興太

常卿引皇帝立於西方東向又太祝以幣授侍中侍

中奉幣北向進皇帝受幣太常卿引皇帝進東面跪

奠於高祖神堯皇帝神座俛伏興太常卿引皇帝少

退東向再拜訖登歌止太常卿引皇帝樂作皇帝降

自南陛還板位西面立樂止太祝還樽所

山下封祀壇其日自山下五步立人直至壇迺呼萬歲以為節候

祀日未明三刻諸祀官各服其服郊社令帥其屬以五帝及日月中官外官以下之玉幣各置於坵所帝五

之玉以四珪有邸日月以珪璧幣各依方色良醞令帥其屬各入實罇罇以醴

玉幣五帝俱以太罇皆實以醴齊日月之罇實以醴

沈齊外官之概罇實以清酒象星之散罇實以旨酒其玄酒各實於五齊之上罇禮神之玉青帝以青珪

赤帝以赤璋黃帝以黃琮白帝以白琥黑帝以玄璜日月珪即五帝日月以下幣皆從方色太官

令帥進饌者實諸籩豆簠簋各設於饌幔內未明二

刻奉禮帥替者先入就位贊引引御史以下入行掃

除如常儀未明一刻謁者贊引各引祀官皆就位太

樂令帥工人二舞次入就位文舞入陳於懸內武舞

立於懸南道西謁者引司空入行掃除訖出復位於

皇帝奠玉幣以封祀壇謁者贊引各入就位立定

奉禮曰眾官拜拜在位者皆再拜其先拜協律郎跪

俛伏興舉麾鼓祝奏元和之樂乃以圓鐘之宮黃鐘

為角太簇為徵姑洗為羽圓鐘三奏黃鐘太簇姑洗各一奏之舞文舞

之舞樂舞六成偃麾戛敵樂止奉禮曰眾官再拜

在位者皆再拜謁者七人各引獻官及諸太祝奉玉

幣各進奠於神座如常儀將進奠登歌作肅和之樂

以太呂之均餘星座幣亦如之進奠訖各還本位初

群官拜訖夜明以上祝史各奉毛血之豆立於門外

登歌止祀史奉毛血各由其陛升壇以毛血各致其

座諸太祀俱迎受各奠於神座前諸太祝與祝史退



立於罇所

進熟

皇帝既升奠玉幣太官令出帥進饌者奉饌各陳於
內壝門外謁者引司徒出詣饌所司徒奉昊天上帝
之俎初皇帝既至位樂止太官令引饌入俎初入門
雍和之樂作以黃鐘之均自後接神之饌皆用雍和饌至陛樂止
祝史俱進跪徹毛血之豆降自東陛以出昊天上帝之饌升自
午陛配帝之饌升自卯陛太祝迎引各設於神座前設訖謁者引
司徒太官令帥饌者降自東陛以出司徒復位諸太
祝各還罇所太常卿引皇帝詣罇洗盥洗爵等並如
圓丘儀太常卿引皇帝樂作皇帝詣壇升自南陛訖

樂止謁者引司徒升自東陛立於罇所齋郎奉俎從

升立於司徒之後太常卿引皇帝詣昊天上帝酒罇

所執罇者舉簋侍中贊酌汎齊訖壽和之樂作皇帝每酌

飲福皆作壽和之樂太常卿引皇帝進昊天上帝神座前北向

跪奠爵俛伏興太常卿引皇帝少退北向立樂止太

祝二人持玉冊進於神座之右東面跪又太祝一人

跪讀冊文訖俛伏興冊文並書門下撰進少府監刻文皇帝拜拜初

讀冊文訖樂作太祝進奠冊於神座還罇所皇帝再

拜樂止太常卿引皇帝詣配座以下至終獻光祿卿

降復位並如圓丘儀皇帝將升獻太官令引饌入其

山下封祀壇五帝日月以下之饌亦相次而入俎初



入門雍和之樂作以黃鐘之均饌至陛樂止祝史俱進跪徹毛血之豆降自東陛以出

木帝之饌升自寅陛火帝之饌升自巳

陛土帝之饌升自未陛金帝之饌升自酉陛水帝之饌升自子陛大明之饌升自辰陛夜明之饌升自戌陛其內官中官衆星之饌所司皆先陳布諸太祝迎引於壇上各設於

神座設訖謁者引司徒太官令帥進饌者俱降自東

陛以出司徒復位諸太祝各還罇所於山上太尉之

亞獻也封祀壇謁者七人分列五方帝及大明夜明

等獻官詣壘洗盥手洗匏爵訖各由其陛升俱酌汎

齊訖各引降還本位初第一等獻官將升謁者五人

次引獻官各詣壘洗訖各由其陛升詣第二等內官

酒罇所俱酌醴齊各進跪奠爵於內官首座與餘座

皆祝史齋郎助奠相次而畢謁者四人次引獻官俱

詣壘洗盥洗各由其陛升壇詣第三等中官酒罇所

俱酌益齊以獻贊引四人次引獻官詣壘洗盥洗訖

詣外官酒罇所俱酌醴齊以獻贊引四人次引獻官

詣壘洗盥洗詣衆星酒罇所俱酌汎齊以獻其祝史

齋郎酌酒助奠皆如內官之儀訖謁者贊引各引獻

官還本位武舞六成樂止舞獻俱畢上下諸祝各進

跪徹豆與還罇所奉禮曰賜胙贊者唱衆官再拜在

位者皆再拜元和之樂作奉禮曰衆官再拜在位者

皆再拜樂作一成止

燔燎

終獻將畢侍中前跪奏曰請就望燎位太常卿引皇
帝就望燎位太祝奉玉幣等就柴壇置於柴上戶內
訖奉禮曰可燎東西面各六人以炬燎火半柴侍中
前跪奏禮畢太常卿引皇帝出贊引引祀官以下皆
出其山下封祀壇獻官獻畢奉禮曰請就望燎位諸
獻官俱就望燎位諸太祝各取玉幣等就柴壇自南
陛下置於柴上戶內訖奉禮曰可燎東西面各六人
以炬燎火半柴訖奉禮曰禮畢獻官以下皆出禮儀
既升奠玉幣下至跪奠爵伏與方位同太常卿
引皇帝少退北向立樂止太祝二人持玉冊進於神
座之右東向跪又太祝一人跪讀冊文訖伏與皇
帝拜祝文並中書門下進少府監刻初讀祝文訖
至配座讀冊皆亦如之其拜奠並同方位與方位同
冊訖至真土半的太常卿引皇帝還板位與方位同

封玉冊封檢

燔燎畢禮儀皇帝既侍中跪奏稱具官臣某言請封

玉冊太常卿引皇帝自南陞升壇北向立近侍者從

府監具金繩金泥等並所用物立於御謁者引太尉

進昊天上帝神座前禮儀進皇地跪取玉冊置於按

進皇帝受玉冊跪壘之內於玉匱中纏以金繩封以

金泥侍中取受命寶跪以進皇帝取寶以印玉匱訖

興侍中受寶以授符寶郎通事舍人引太尉進皇帝

跪捧玉匱授太尉太尉跪受皇帝與太尉退復位側

身奉玉匱太常卿前奏請再拜皇帝再拜訖入次如

常儀太尉奉玉匱之按於石礮南北向立執事者發

石蓋太尉奉玉匱跪藏於石碱內執事者覆石蓋檢以石檢纏以金繩封以石泥訖太尉以玉寶徧印訖引降復位將作帥執事者以石距封固又以五色土

圜封後續令畢其功禪儀同配座玉牒禪儀太尉又進

帝座跪取王册內金匱封於金匱皆如封王匱之儀訖太尉奉

金匱從降俱復位封禪還以金匱內太廟藏於高太

常卿前奏禮畢若有祥瑞則太史監跪奏訖特稱奉

又再拜太常卿前奏帝還大次樂作皇帝出東門禪禮

出中殿中監前受鎮珪以授尚衣奉御殿中監又前

受大珪萃蓋侍衛如常儀皇帝入次樂止謁者贊引

各引祀官通事舍人分引從祀群官以次出復位立

定奉禮曰再拜衆官在位者皆再拜訖贊引引出工

人二舞以次出禪禮祭訖以奇禽異獸合

鑿駕還行宮禪儀同

皇帝既還大次侍中板奏請解嚴將士不得轉仗衛

於還途如來儀二刻頃侍中板奏請中嚴皇帝服通

天冠絳紗袍諸祀官服朝服皇帝出次升輦降山下

至圓壇所權停乘黃令進玉輅太僕升執轡以下入

宮並如圓丘儀

朝覲群臣禪祭訖行此禮

禪之明日朝覲群官及岳牧以下於朝覲壇如巡狩

儀皇帝服衮冕乘輿以出曲直萃蓋警蹕侍衛入自



北墻門由北陞升壇卽御座符寶卽奉寶置於座扇
開樂止通事舍人引三品以上及岳牧以下入就位
如常儀通事舍人引上公一人舒和之樂作公至西
陞就解劔席樂止脫舄跪解劔置於席與相禮者與
通事舍人引進當御座前北面跪稱具官臣名等言
天封肇建景福惟新伏惟開元神武皇帝陛下萬歲
無疆俛伏興通事舍人引上公降壇詣解劔席跪帶
劔納舄樂作通事舍人引復位立定樂止典儀曰再
拜贊者承傳上公以下皆再拜侍中前承制降詣上
公之東北西向稱有制上公及群官皆再拜訖宣云
封禪之慶與公等同之上公及群官又再拜舞蹈三
稱萬歲訖又再拜引退

考制度 如巡符儀